



Inatsisartunut ilaasortaq,  
Hans Enoksen,  
Naleraq  
Maani/

### § 37 naapertorlugu apeqquummut inuttanut tunngasumik nr. 071-2024-mut akissuteqaat

Ulloq: 25-04-2024  
Suliap normua: 2024 - 8399  
All. nr. 24104409

Inatsisartut suleriaasianni § 37, imm. 1 naapertorlugu kalaallit aqumiut aamma inuttat pillugit Naalakkersuisunut apeqquteqarsimavutit. Apeqqut suliassaqarfigisannit akineqartussanngorlugu innersuunneqarnikuuvoq.

Postboks 269  
3900 Nuuk  
Oqarasuaat (+299) 34 50 00  
Fax (+299) 34 63 55  
E-maili: apn@nanoq.gl  
www.naalakkersuisut.gl

#### 1) Royal Greenland kilisaataataani kalaallit aqumiut aamma aalisartut kalaalinnqorsarneqarnissaat suli takussutissaqanngimmat paaserusuppara suliaq isumaqatigiissutaasoq sumut killinnersoq?

**1-imut)** Aningaasanut inatsimmut 2024-moortumut illuatungeriit marloqiusamik suliniuteqarnissaq ima ittoq isumaqatigiissutigaat:

- Inuttat pillugit nalunaarummi, kilisaatini maani najugalinnit sulisoqarluni inuttaqarnissaanut piumasaqaammut inatsisiliuuffigineqartumi, aqumiunut tunngasunik immikkoortunik arlalinnut tunngavoq, taamaalilluni maanna 60%-imiit 90%-imut qaffanneqarluni<sup>1</sup>.
- Attuumassuteqartumik ilinniarnernut suliniutinik salliutitsineq kiisalu suliaqarnermi piginnaasanut tunngatillugu piumasaqaatinik pilersitsiniarnermi pisortat namminersortullu qanimut suleqatigiinnerat.

Aalisarnermut Piniarnermullu Naalakkersuisoqarfiup inuttat pillugit nalunaarutip nutarternera naalakkersuisoqarfiit susassaqtartut suleqatigalugit suliaralugu aallartippaa. Nalunaarutip aasami sulinnigiffeqarneq sioqqullugu tamanut tusarniutiginnissaa naatsorsuutigineqarpoq, kingusinnerpaamik 1. januar 2025-milu atuutilernissaa siunertaalluni.

Ilinniartitaanermut, Kultureqarnermut, Timersornermut Ilageeqarnermullu Naalakkersuisoqarfiup, Aalisarnermik inuussutissarsiummi sulisussaqaarniarneq ilinniartitaanerillu pillugit nalunaarusiami aamma kilisaatini aqumiut ilinniartitaanerannut tunngasumik inassuteqaatinik atuutsitsilernissamut akisussaasuvoq.

Tamatuma saniatigut Royal Greenland A/S ingerlatseqatigiiffiillu allat ukiuni arlaqalersuni aqumiunik kalaallinik amerlisaanermik suliaqarsimapput ilaatigut aspirantit pillugit pilersaarut aqqutigalugu, taanna ataani annerusumik atuarsinnaavatit Aalisarnermik inuussutissarsiummi sulisussaqaarniarneq ilinniartitaanerillu pillugit nalunaarusiami

<sup>1</sup> Inuit Ataqtigii, Siumut, Naleraq, Atassut aamma attaviitsup akornanni Aningaasanut inatsimmut 2024-mut isumaqatigiissut

ilaatigut ingerlatseqatigiiffinni qassit suli sulinersut, ineriartornerannut killiffiat kiisalu aspirantit qassit suli ilinniarnersut amerlassusaat, uani:  
[https://naalackersuisut.gl/Publikationer?types=&subjects=421c7693-0cce-4cb9-ad65-cfac4edd414b&page=1&dates=&sc\\_lang=kl-GL](https://naalackersuisut.gl/Publikationer?types=&subjects=421c7693-0cce-4cb9-ad65-cfac4edd414b&page=1&dates=&sc_lang=kl-GL)

## 2) Atuutilersitsineq suliaralugu aallartinneqareerpa?

**2-mut)** “*Sulisoqarneq aalisarnermilu ilinniartitaaneq*” pillugit atuutilersitsinissamut nalunaarusiami innersuussutigineqartut Ilinniartitaanermut, Kultureqarnermut Timersornermut Ilageeqarnermullu Naalackersuisoqarfimmit suli aallartinneqarsimangilaq. Atuutilersitsinissap suliarinissaanut allaffissornermi sulisoqarniarnerup killeqarneranik peqquteqarpoq. Ilinniartitaanermut, kultureqarnermut, Timersornermut Ilageeqarnermullu Naalackersuisoqarfimmit naatsorsuutigineqarpoq suliaq maj 2024-mi aallartinneqassasoq.

Inussiarnersumik inuulluaqqusillunga

Kim Kielsen  
Aalisarnermut Piniarnermullu Naalackersuisoq